



DET KONGELEGE
JUSTIS- OG POLITIDEPARTEMENT

Ot.prp. nr. 17

(2002–2003)

Om lov om endringer i lov 17. desember 1982 nr. 86 om rettsgebyr

*Tilråding frå Justis- og politidepartementet av 15. november 2002,
godkjend i statsråd same dagen.
(Regjeringa Bondevik II)*

1 Innhald

1.1 Endring av multiplikator for tinglysingsgebyr

I denne proposisjonen gjer departementet framlegg om å heve tinglysingsgebyret for hjemmelsovergang frå 1,5 R (R = rettsgebyret) til 2 R og tinglysingsgebyret for pantobligasjonar og skadesløsbrev frå 2 R til 2,5 R, jf. rettsgebyrlova § 21.

Framlegget om auke er i samsvar med framlegget i St.prp. nr. 1 (2002–2003) for budsjetterminen 2003, Justis- og politidepartementet side 59. Om ein hevar gebyret frå 2 til 2,5 R for pantobligasjonar og skadesløsbrev, gir det ein auke i inntektene på budsjettkapittel 3410 post 01 på om lag 87 millionar kroner. Det er rekna ut at auken frå 1,5 R til 2 R for hjemmelsovergang vil innebere ein auke i inntekta på om lag 44 millionar kroner på budsjettkapittel 3410 post 01 (Justis- og politidepartementet) og om lag 2 millionar kroner på budsjettkapittel 3904 post 01 (Nærings- og handelsdepartementet).

1.2 Retting av feil i § 5 a

Lov 26. april 2002 nr. 12 om notarius publicus trådte i kraft 1. juli 2002. Frå same tid blei lov 14. august 1918 nr. 4 om rettergangsordningens ikrafttræden §§ 6–8 oppheva.

Rettsgebyrlova § 5 a nr. 5 viser til kjæremålsføreseigna i lov om rettergangsordningens ikrafttræden § 8. Ved ein feil blei ikkje dette endra i samband med lov om notarius publicus. Ein bør difor endre rettsgebyrlova § 5 a nr. 5 slik at ein i staden viser til lov om notarius publicus § 5. I tillegg blir «notarius» endra til «notarius publicus».

Endringane påverkar ikkje innhaldet i føreseigna.

Justis- og politidepartementet

t i l r å r :

At Dykkar Majestet godkjenner og skriv under eit framlagt forslag til proposisjon til Stortinget om lov om endringer i lov 17. desember 1982 nr. 86 om rettsgebyr.

Vi HARALD, Noregs Konge,

s t a d f e s t e r :

Stortinget blir bedt om å gjere vedtak til lov om endringer i lov 17. desember 1982 nr. 86 om rettsgebyr i samsvar med eit vedlagt forslag.

Forslag

til lov om endringer i lov 17. desember 1982 nr. 86 om rettsgebyr

I

Lov 17. desember 1982 nr. 86 om rettsgebyr vert endra slik:

§ 5 a nr. 5 skal lyde:

5. Avgjørrelser som gjelder forretninger som nevnt i § 25 hos en notarius *publicus* kan påkjæres etter reglene i lov av 26. april 2002 nr. 12 om notarius *publicus* § 5.

§ 21 skal lyde:

For tinglysing, registrering eller anmerkning i grunnboken, løsreregisteret og kraftledningsregisteret betales 2 ganger rettsgebyret, medmindre annet følger av annet ledd eller er bestemt i § 22 .

For tinglysing eller registrering av pantobligasjon eller skadesløsbrev betales 2,5 ganger rettsgebyret. Det samme gebyr betales for registrering i løsreregisteret av avtale om salgspant i motorvogn (herunder avtale som etter § 3–22 i lov 8. februar 1980 nr. 2 om pant likestilles med salgspantavtale) og av avtale om factoring.

Det skal betales fullt gebyr for hvert register og for hver rettskrets et dokument skal tinglyses eller registreres i.

II

Lova tek til å gjelde 1. januar 2003.
